

13. gr.

33

Skemmdir á húseigninni, áhöldum og húsbúnaði umfram eðlilegt slit, skulu þeir bæta, sem skemmdum valda. 15. marz

14. gr.

Á opinberum samkomum, sem haldnar eru í félagsheimilinu, má hvorki veita áfengi né neyta þess, Húsnefnd getur svipt þá, sem gegn þessu brjóta aðgangi að félagsheimilinu um tiltekin tíma.

15. gr.

Reglur þessar, sem settar eru með skirskotun til 8. gr. laga nr. 77 5. júní 1947, um félagsheimili, öðlast gildi þegar þær hafa verið samþykktar af stjórn félagsheimilisins og þegar menntamálaráðuneytið hefur staðfest þær.

Framanritaðar reglur staðfestast hér með.

Í menntamálaráðuneytinu, 15. marz 1960.

F. h. r.

Birgir Thorlacius.

Ásgeir Pétursson.

AUGLÝSING

34

um viðauka og breytingar á lyfsöluskrá II.

29. marz

Frá og með 30. marz 1960 ganga í gildi viðaukar og breytingar útgefnar í dag á lyfsöluskrá II frá 10. desember 1958.

Heilbrigðismálaráðuneytið, 29. marz 1960.

Ingólfur Jónsson.

Baldur Möller.

AUGLÝSING

35

um staðfestingu dómsmálaráðuneytisins á samþykkt um breytingu á lögreglu-samþykkt fyrir Vestmannaeyjakaupstað frá 31. marz 1928, sbr. auglýsingu frá 15. janúar 1951. 29. marz

1. gr.

2. málsliður 1. mgr. 20. gr. í lögreglusamþykkt fyrir Vestmannaeyjakaupstað frá 31. marz 1928 orðist svo:

Unglingum innan 16 ára er óheimill aðgangur að almennum knattborðsstofum, dansstofum og öldrykkjustöðum. Þeim er óheimill aðgangur að almennum veitingastofum, ís-, sælgætis- og tóbaksbúðum eftir kl. 20.00, nema í fylgd með full-orðnum, sem ber ábyrgð á þeim. Öll afgreiðsla um söluop til barna, eftir að úti-vistartíma þeirra er lokið, er óheimil. Eigendum og umsjónarmönnum þessara stofnana ber að sjá um, að unglíngarnir fái þar ekki aðgang né hafist þar við, fram yfir það, sem leyfilegt er.

35 Börn yngri en 12 ára mega ekki vera á almannafæri seinna en kl. 20.00 á tímabilinu frá 1. október til 1. maí og ekki seinna en kl. 22 frá 1. maí til 1. október, nema í fylgd með fullorðnum.

Börn frá 12—14 ára mega ekki vera á almannafæri seinna en kl. 22.00 á tímabilinu frá 1. október til 1. maí og ekki seinna en kl. 23.00 frá 1. maí til 1. október, nema í fylgd með fullorðnum.

Þegar sérstaklega stendur á, getur bæjarstjórn sett til bráðabirgða strangari reglur um útivist barna allt að 16 ára.

Foreldrar og húsbændur barnanna skulu, að viðlögðum sektum, sjá um, að ákvæðum þessum sé framfylgt.

Þegar talað er um almannafæri í samþykkt þessari, er átt við götur, vegi og svæði, sem ætlað er til almenningsnota, svo sem leikvelli, sölutorg, bryggjur, bólvirki o. s. frv.

Um veitingastaði, almennar knattborðsstofur, afgreiðslustaði, bifreiðar o. þ. h., kvikmyndahús, leikhús og önnur samkomuhús, gilda ákvæði samþykktar þessarar um almannafæri, eftir því sem við á.

Samþykkt þessi öðlast þegar gildi.

Þetta birtist hér með öllum þeim, sem hlut eiga að máli.

Dóms- og kirkjumálaráðuneytið, 29. marz 1960.

Ingólfur Jónsson.

Gústav A. Jónasson.

36

1. apríl

REGLUGERÐ

um iðgjöld hinna tryggðu og atvinnurekenda til lífeyrisdeildar almannatrygginga.

Árið 1960 skulu iðgjöld samkvæmt 27. og 29. gr. almannatryggingalaga nr. 24/1956, vera sem hér segir:

1. Iðgjöld hinna tryggðu samkv. 27. gr. laga nr. 24/1956:

a. Hjón:

Á 1. verðlagssvæði	kr. 1400.00
- 2. —	— 1090.00

b. Ókvæntir karlar:

Á 1. verðlagssvæði	kr. 1273.00
- 2. —	— 991.00

c. Ógiftar konur:

Á 1. verðlagssvæði	kr. 955.00
- 2. —	— 743.00

2. Félagsmenn sérsjóða samkv. 85. gr. laga nr. 24/1956 skulu árið 1960 greiða iðgjald sem hér segir:

a. Hjón:

Á 1. verðlagssvæði	kr. 420.00
- 2. —	— 327.00